

年戊寅也、鬼云、吾聞率川社許相八卦說、与汝同有戊寅年人、宜汝替者、召將彼人、唯汝饗受¹⁰牛一頭也、為令脱我所打之罪、呼我三名、奉誦金剛般若經百卷、一名高佐麻呂、二名中知麻呂、三名槌麻呂、夜半出去、明日見之、牛一死也、磐嶋參入大安寺南塔院、請沙弥仁耀法師、未受戒之時也、語欲奉誦金剛般若經百卷、仁耀受請、經二箇日、誦金剛般若經百卷¹²訖、歷三箇日、使鬼來云、依大乘力、脱百段罪、自常食復倍飯一斗而賜、喜貴、自今以後、每節為我、修福供養、即忽然失、磐嶋年九十歲而死、大唐德玄、被般若力、脱閻羅王使所召之難、日本磐嶋、受寺商錢、脱閻羅王使鬼追召之難也、売花女人、生切利天、供毒掬多、返生善心者、其斯謂之矣、

10 戊寅代
11 去一玄
12 訖 說
13 羅 罪
14 花 瓜

閻羅王使鬼受所召人之饗而報恩緣第廿五

讚岐国山田郡、有布敷臣衣女、聖武天皇代、衣女忽得病、時偉備百味、祭門左右、略於疫神、而饗之也、閻羅王使鬼、來召衣女、其鬼走疲、見祭食、就而受之、鬼語衣女言、我受汝饗、故報汝恩、若有同姓同名人耶、衣女答言、同国鶴垂郡、有同姓衣女、鬼率衣女、往於鶴垂郡衣女之家、而对面、即從緋囊、出一尺鑿、而打立額、即召將去、彼山田郡衣女、憊歸家也、時閻羅王、待校之言、此非召衣女、誤召之也、然暫此留、連往召山田郡衣女、鬼不得憊、荐召山田郡衣女、而將來也、閻羅王、待見而言、当是召衣女也、往彼鶴垂郡衣女者、歸家、經三日頃、燒失鶴垂郡衣女之身矣、更還愁於閻羅

1 臛(国积)臛於母禰利呂一
2 恩(国)息
3 將(国)時
4 校(国)授

王白、失体無依、時王問言、有山田郡衣女之体耶、答言有之、王言、得其為汝之身、因為鶴垂郡衣女之身而甦、即言、此非我家、々々有鶴垂郡、父母言、汝者我子也、何故然言耶、衣女猶不聽、往於鶴垂郡衣女之家言、当此我家也、其父母言、汝非我子、我子燒滅、於此衣女、具陳閻羅王詔狀、時彼二郡父母、聞之諾信、以二家財、許可付屬、故現在衣女、得四父母、得二家宝矣、備饗略鬼、此非功虛、凡有物者、猶可略饗、是亦奇異之事矣、

未作畢仏像而棄木示異靈表緣第廿六

禪師広達者、俗姓下毛野朝臣、上総国武射郡人一云群蘇郡人也、聖武天皇代、広達人於吉野金峯、經行樹下、而求仏道、時吉野郡桃花里、有椅、々本伐梨、引置之、而歷歳余、同处有河、名曰秋河、彼引置梨、度于是河、人畜俱踐、而度往還、広達有縁出里、度彼椅往、椅下有音曰、嗚呼莫痛踰邪、禪師聞之、怪見無人、良久徘徊、不得忍過、就椅起看、未造仏了、而棄木也、禪師大恐、引置淨処、哀哭敬礼、発誓願言、有因縁故遇、我必奉造、請有縁処、勸人集物、雕造阿弥陀仏觀音菩薩等像、既訖、今居置吉野郡越部村之岡堂也、木是無心、何而出声、唯聖靈示、更不応疑也、

5 具(国)貝
6 凡(国)糺
7 之(国)ナシ